

Inatsisissatut siunnersummut nassuiaatit

Nassuiaatit nalinginnaasut

1. Aallaqqaasiut

Allannguutissatut siunnersummi Siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi, kingusinnerusukkullu allanngortinneqartumi, aalajangersakkat erseqqissaaffiginissaat siunertarineqarpoq, taamaalilluni Inatsisartut inatsisaat siunertaareersunut naapertuutumik nassuiarneqarniassammatt.

Assersuutigalugu Inatsisartut inatsisaanni § 10 aamma § 39 imminnut naapertuutinngillat, tamatumalu Siusinaartumik pensionisiaqarnermut maalaaruteqartarfiup siusinaartumik pensionisiaqarsinnaanermut itigartitsinerit pillugit maalaarutit nalinginnaasumik suliarisarsimavai, naak Siusinaartumik pensionisiaqarnermut maalaaruteqartarfiup sulisinnaassuseq pillugu aalajangiinerit pillugit maalaarutit kisiisa suliarisartussaagluuarai Inatsisartut inatsisaanni siunertaasimagaluartoq.

2. Siunnersummi immikkoortut pingaarerit

Siusinaartumik pensionisiat pillugit Inatsisartut inatsisaata nr. 40, 9. december 2015-imeersup allanngortinnissaa pillugu siunnersuut manna §§ 8, 9, 19 aamma 39-imi aalajangersakkat allanngortinneqarnerannik imaqarpoq.

Kapitali 3-mi aalajangersakkat siunnersuuteqartoqarneratigut avinneqassapput, taamaalilluni § 8-mi qulaajaanerit pillugit malittarisassat pineqassallutik, aamalu § 9-milu piginnaanngorsaqqinnerit pillugit malittarisassat pineqassallutik.

Tamatuma saniatigut siusinnerusukkut § 9, imm. 1-iusimasoq allanngortinneqassasoq siunnersuutigineqarpoq, taamaalilluni siusinaartumik pensionisiaqarnissamik qinnuteqartut piginnaanngorsaqqinnejartarnissaannik aallaaviusup avaqqunneqarsinnaanera pillugu aalajangersakkap imaqarnera erseqqissaavigineqarluni. Taamaattoq inuit matumanit pineqartut kingusinnerusukkut piginnaanngorsaqqinnissaminut periarfissaqassapput, tassami inunnut taakkununga suliani, massakkuugallartoq piginnaanngorsaqqinnissaq siunertarisamut naleqqutinngitsutut aalajangiiffigineqartuni, aalajangiinerup kingorna kingusinnerpaamik ukiup 1-p qaangiunnerani nalilersorneqaqqinnissaat pillugu aalajangersakkamik ikkussisoqarmat. Inuit tamakkiisumik ilaannakoortumilluunniit sulisinnaassuseqanngikkallartut pisariaqartitaat pillugit kommunit ingerlaavartumik nalilersuisarnissaat taamaaliornikut qulakkeerneqarnissaa siunertarineqarpoq.

§ 19 malillugu siusinaartumik pensionisialik siusinaartumik pensionisanik qaffasinnerpaanik tunigallarneqarsinnaavoq, naak pineqartup sulisinnaassusiata taamaattoqarnissaa

pissutissinngikkaluaraa. Suliffissat naleqquttunik akissarsiaqarfiusinnaasut najukkami pissutsit pissutigalugit nassaassaannginnerat pissutigalugu tamanna pisinnaavoq.

Aalajangersakkap oqaasertaanik allangortitsineq siunnersuutip matuma imaraa, taamaalilluni pensionisiat qaffasinnerpaat nalinginik siusinaartumik pensionisiaqartitsigallarneq pineqarunnaarpoq, kisiannili tassunga taarsiullugu siusinaartumik pensionisiallit maannakkorpiaq aningaasarsiaasa aamma qaffasinnerpaamik siusinaartumik pensionisiat nikingassutaasa nalinginik tapisiaqartitsisoqalerluni. Tapi utaqqiisaagallarpoq annerpaamillu ukioq ataasikkaarlugu tunniuneqartassalluni.

Sulisinnaassutsimut naliliinerit pillugit naammagittaalliuutit kisimik Siusinaartumik pensionisiaqarnermut Maalaaruteqartarfimmiit suliarineqartassasut § 39, imm. 2-mi erseqqissaatigineqassasoq aalajangersakkut siunnersuutigineqarpoq. Inatsit naapertorlugu kommunalbestyrelsimit aalajangerneqartut allat § 39, imm. 1 naapertorlugu Isumaginninnermi Naammagittaalliuuteqartarfimmut naammagittaalliuutigineqarsinnaanerat allanngortinneqassanngitsoq siunnersuutaavoq. Taamaaliornikkut aalajangersagaq massakkut nassuaatinut atuuttunut aamma § 10-mi siunertarineqartumut naapertuuttunngussaaq.

§ 39, imm. 2-mi naammagittaalliornissamut piffissaliussaq Isumaginninnermi Naammagittaalliuuteqartarfimmut naammagittaalliuutit suliarineqartarneri pillugit nalinginnaasumik piffissaliussat malillugit allanngortinneqassaaq.

Inatsisissatut siunnersuut inatsillu atuuttoq ataatsimoortillugit	
<i>Oqaasertaliussat atuuttut</i>	<i>Inatsisissatut siunnersuut</i>
	§1 Siusinaartumik pensionisiat pillugit Inatsisartut inatsisaanni nr. 40-mi, 9. december 2015-imeersumi, kingullermik Inatsisartut inatsisaatsisaanni nr. 28, 28. november 2019-imeersumi allanngortinneqartumi ima allanguisiosoqassaaq:

<p>Kapitali 3</p> <p><i>Siusinaartumik pensioneqalersinnaanermut qinnuteqarneq, qulaajaavagineqarneq sulilersitsinianerlu</i></p> <p>§ 8. Siusinaartumik pensionisiaqalersitsisinnanerup isummerfiginnginnerani, sutigut tamatigut qulaajaanikkut misissuiffigineqassaaq, ilumut qinnuteqaateqartoq sulileqqissinnaanissa siunertaralugu suliniuteqartoqarsinnaanersoq, taamaattorli takujuk § 9, imm. 2.</p> <p><i>Imm. 2.</i> Qinnuteqaateqartoq qulaajaaffigineqassaaq. Qulaajaanermilu ersersinniarneqassallutik qinnuteqaateqartup piginnaasai, ilumut qinnuteqaateqartup sulisinnaalernissaq siunertaralugu suliniuteqarfingineqarnermigut sulisinnaassutsini tamakkerlugu imaluunniit ilaannakortumik pissarsiareqqissinnaaneraa.</p> <p><i>Imm. 3.</i> Kommunalbestyrelsip qulaajaasoqarneranut atatillugu nalilersimassappagu, sulisinnaassuseq inuup pineqartup immikkut suliniuteqarfingineqarneratigut ineriartortinneqarsinnaasoq kommunalbestyrelse tamatuminnga aalajangiissaq qinnuteqartorlu piginnaangorsaaqqinnissamut innersuullugu.</p> <p><i>Imm. 4.</i> Ataatsimiigiaqqusinermut aggersaanermut najuutinngitsoornermi aamma qulaajaaffigineqarnermi imaluunniit piginnaangorsarneqarnermi peqataanngitsoqartillugu kingunerisassanik Naalakkersuisut malittarisassanik ersarinnerusunik aalajangersaasinnaapput.</p> <p>§ 9. Inuit utaqqiisaagallartumik sulisinnaassutsimikkut annikillisitsisimasut piginnaangorsaanermik ingerlatsissanngillat, qulaajaavagineqarnerup takutippagu</p>	<p>1. Kapitali 3 ima oqaasertalerneqassaaq:</p> <p>“Kapitali 3</p> <p><i>Qulaajaaneq aamma piginnaangorsaaqqinneq</i></p> <p>§ 8. Qinnuteqartoq sulisinnaassutsimiilaanik suli pigisaqaqqilersinnaanersoq paasiuumallugu, siusinaartumik pensionisiaqalersitsinissap isummerfiginnginnerani periarfissat suliamut attuumassuteqartut tamarmik misissorneqassapput.</p> <p><i>Imm. 2.</i> Siusinaartumik pensionisiaqarnissamik qinnuteqartut tamarmik qulaajaaffigineqassapput. Qulaajaanermi qinnuteqartup isumalluutai misissuiffigineqassapput, qinnuteqartullu piginnaangorsaaqqinnermik ingerlataqarnermigut sulisinnaassutsini tamakkerlugu sulisinnaassutsilluunniit ilaaangoqqissinnaaneraa aalajangiivigineqassaaq.</p> <p><i>Imm. 3.</i> Qulaajaanernut piginnaangorsaaqqinnernulluunniit najuutinnginnermut aamma peqataannginnermut kinguneqartitsinissat pillugit malittarisassanik erseqqinnerusunik Naalakkersuisut aalajangersaasinnaapput.</p> <p>§ 9. Sulisinnaassuseq inuup pineqartup immikkut suliniuteqarfingineqarneratigut ineriartortinneqarsinnaasoq kommunalbestyrelsip qulaajaasoqarneranut atatillugu nalilersimappagu, taava kommunalbestyrelse tamanna pillugu aalajangiissaq qinnuteqartorlu piginnaangorsaaqqinnissamut innersuullugu.</p> <p><i>Imm. 2.</i> Inummut ataatsimut naleqqussakkamik piginnaangorsaaqqinnissamik ingerlatsineq aqqtigalugu sulisinnaassuseq massakkuugallartoq</p>
---	---

<p>maannakkut piginnaanngorsaaneq neriunaateqanngitsoqaamma sulisinnaassuseq pitsanngortinneqarsinnaanngitsoq.</p> <p><i>Imm. 2. Piginnaanngorsaanissaq pissanngilaq uppernarsarneqarpat, imaluunniit pissutsit immikkullarissut tunulequtaralugit ersarippat, pineqartoq sulisinnaassuseqanngitsoq siunissamilu sulisinnaassusaa ineriartortinneqarsinnaassanngitsoq.</i></p>	<p>ineriartortinneqarsinnaanngitsoq kommunalbestyrelsip nalilerpagu, taava paasissutissat tigummineqareersut tunngavigalugit piginnaanngorsaqqinnermik ingerlatsinerup kinguartinneqarnissaa aamma siusinaartumik pensionisiaqartitsinissaq pillugu kommunalbestyrelse aalajangiissaq. Piginnaanngorsaqqinnermik ingerlatsinissap kinguartinneqarnissaa pillugu aalajangiinerup kingorna, kingusinnerpaamik ukiup 1-p qaangiunnerani, kommunalbestyrelsip suliaq nalilersoqqissavaa.</p> <p><i>Imm. 3. Qinnuteqartoq sulisinnaassuseqanngitsoq, piffissamilu ungasinnerusumi sulisinnaassutsiminik ineriartortsisinnaanngitsoq qulaajaanermut atatillugu uppernarsarneqarpat imaluunniit immikkorluinnaq pissutsit takutissinnaapassuk piginnaanngorsaqqinnissaq ingerlanneaqqaanngikkaluartoq siusinaartumik pensionisiaqartitsinissaq pillugu kommunalbestyrelse aalajangiisinnavaavoq.”</i></p>
---	--

<p>§ 13, imm. 5</p> <p><i>Imm. 5. Sulisinnaassutsip naliliiffigineqaqqinnissaa pinngitsoorneqarsinnaavoq, innuttaasoq § 9 imm. 2-mut pineqartunut ilaasutut naliliiffigineqarsimassappat aammalu ilimanaateqarsimappat sulisinnaassutsip tamakkiisumik ilaannakortumilluunniit pissarsiareqqissinnaassagaa.</i></p>	<p>2. § 13, imm. 5, ima oqaasertalerneqassaaq: <i>"Imm. 5. Innuttaasoq § 9 imm. 3-mut pineqartunut ilaappat, sulisinnaassutsip naliliiffigineqaqqinnissaa pinngitsoorneqarsinnaavoq."</i></p>
<p>§ 19, imm. 1</p> <p><i>§ 17 naapertorlugu qaffasinnerpaamik siusinaartumik pensionisiaqartitsineq immikkut pisoqartillugu, naleqquttumik akissarsiaqarfiusumik suliffeqalernissamut piffissami ikaarsaarfiusumi, akuersissutigineqarsinnaavoq sivisunerpaamik ukiut ataasiakkaarlugit, naak siusinaartumik pensionisiaqartoq sulisinnaassutsimigut qaffasinnerpaamik siusinaartumik pensionisiaqarnissamut pisinnaatitsinngikkaluartoq. Tamanna immikkut pissutsini atuutissaaq najugaqarfigisami naleqquttumik akissarsiaqarfiusumik siusinaartumik pensionisiaqartoq suliffissaqartinneqanngippat. Siusinaartumik pensionisiaqartoq naleqquttumik suliffissarsisinnanissaa imaluunniit suliffimmik naleqquttumik pilersitsinissaq ingerlaavartumik periarfissarsiuussissalluni kommunalbestyrelsip pisussaaffigaa.</i></p>	<p>3. § 19, imm. 1, ima oqaasertalerneqassaaq: <i>"Siusinaartumik sulisinnaajunnaarnersiutililit §§ 15 aamma 16 malillugit siusinaartumik pensionisianik tunineqarsimasut massakkut aningaasarsiarciarineqartut aamma siusinaartumik pensionisiat tunniunneqartartut qaffasinnerpaat akornanni nikingassummut naapertuuttumik sivisunerpaamik ukiut ataasiakkaarlugit tapinik tunineqarsinnaapput. Matumani immikkorluinnaq pissutsit atuupput, tassalu siusinaartumik sulisinnaajunnaarnersiutilimmut pineqartumut najukkami naammattumik isertitaqarfiusinnaasumik suliffissamik nassaassaqartoqarsinnaatinnagu. Siusinaartumik sulisinnaajunnaarnersiutilimmut pineqartumut suliffissamik nassaarniarnissamut imaluunniit pilersitsinissamut periarfissanik nassaarniartuarnissamik communalbestyrelsi pisussaaffeqarpoq."</i></p>
<p>§ 19, imm. 3</p> <p><i>Imm. 3. Siusinaartumik sulisinnaajunnaarnersiutilinut annertunerpaanut akuersissuteqarneq atorunnaassaaq siusinaartumik pensionisiat annertunerpaat akuersissutiginissaannut tunngaviusimasoq pigineqarunnaarsimappat imaluunniit imm. 2 malillugu siusinaartumik</i></p>	<p>4. § 19, imm. 3, ima oqaasertalerneqassaaq: <i>"Imm. 3. Tapit imm. 1 malillugu akuersissutigineqartut atorunnaassapput tapiissuteqarnissamut tunngavagineqarallartoq atorunnaarsimappat imaluunniit siusinaartumik pensionisialik imm. 2 malillugu suliffissamut innersuunneqartumut itigartitsisimappat."</i></p>

pensionisialik suliffissamut innersuunneqartumut itigartitsisimappat.	
§ 39, imm. 2 <i>Imm. 2. Siusinaartumik</i> pensionisiaqartitsisarnermi isumasioqatigiit siusinaartumik pensionisiaqalersinnaanermut itigartitsilluni imaluunniit sulisinnaassutsip annertussusia pillugu naliliinerit nalileeqqilluniluunniit aalajangiinerat §§ 12 siusinaartumik pensionisiaqartitsisarneq pillugu maalaaruteqartarfimmut suliassanngorteqqinnejarsinnaapput. Innuttaasup aalajangiinermit tigusineranit sap.ak. sisamat qaangiutsinnagit naammagittaalliuut siusinaartumik pensionisiaqartitsisarneq pillugu maalaaruteqartarfimmut apuutereersimassaaq.	5. § 39, imm. 2, ima oqaasertalerneqassaaq: <i>"Imm 2. §§ 12 aamma 13 malillugit</i> sulisinnaassutsip naliliiffingeratigut naliliiffigeqqinneratigullu sulisinnaassutsimut procentip aalajangersaaffigineqarnera pillugu kommunalbestyrelsip aalajangiineri Siusinaartumik pensionisiaqarnermut maalaaruteqartarfimmut maalaarutigineqarsinnaapput. Aalajangiinermit sapaatit akunnerisa 6 iluanni maalaarut Siusinaartumik pensionisiaqarnermut maalaaruteqartarfimmut tunniunneqassaaq."
	6. § 39-imi imm. 2-p kingornagut immikkoortutut nutaatut ikkunneqassaaq: <i>"Imm. 3. Siusinaartumik</i> pensionisiaqartitsineq pillugu sulisinnaassutsip nalilerneqarneranut aamma pissutsit allat pillugit maalaarut imaqartoq, aallaaviatigut Siusinaartumik pensionisiaqarnermut maalaaruteqartarfimmit suliarineqassaaq."
	<i>Imm. 3 matuma kingorna imm. 4-nngorpoq.</i>
	7. § 43, imm. 1, oqaaseqatigiinni siullerni, aamma § 43, imm. 3-imi "§ 9, imm. 2," ima allanngortinneqassaaq: "§ 9, imm. 3,"
	§ 2 Inatsisartut inatsisaat 1. januar 2021 atuutilissaaq.

3. Pisortanut aningaasaqarnikkut allaffissornikkullu kingunissai

Pisortanut aningaasaqarnikkut imaluunniit allaffissornikkut siunnersuut kinguneqassanngilaq.

4. Inuussutissarsiortunut aningaasaqarnikkut allaffissornikkullu kingunissai

Inuussutissarsiortunut aningaasaqarnikkut allaffissornikkulluunniit siunnersuut kinguneqassanngilaq.

5. Avatangiisirut, pinngortitamut inuillu peqqissusiannut kingunissai

Siunnersuut avatangiisirut, pinngortitamut imaluunniit inuit peqqissusaannut kinguneqassanngilaq.

6. Innutaasunut kingunissai

Innutaasut siusinaartumik pensionisiaqalersinneqartut sulisinnaassutsiminnilli ineriaartitsinissaminut imaluunniit sulisinnaassuseqaqilernissamik periarfissallit ingerlaavartumik nalilersuiffigineqartarnissaat siunnersuummi pingarnertut quakkeerneqassaaq.

7. Kingunissat annertuut allat

Siunnersuut annertuunik allanik kinguneqartitsinngilaq.

8. Tusarniaaneq

Piffissami 17. april 2020-miit 15. maj 2020-mut www.naalakkersuisut.gl -imi tusarniaanermut nittartakkami siunnersuut tamanut saqqummiunneqarsimavoq, aamma tamatuma peqatigisaanik tusarniaavigineqartartunut ukununnga tusarniaatigineqarluni:

Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Isumaginninnermi Naammagittaalliuuteqartarfik, Siusinaartumik pensionisiaqarnermut Maalaaruteqartarfik, Inuit pisinnaatitaaffii pillugit Siunnersuisoqatigiit, Inuit pisinnaatitaaffiinut Institutti, Meeqqat Illersuisuat MIO, Peqatigiiffik Kalaallit Meerartaat, MIBB (Meeqqat inuunerissut), Sorlak (Kalaallit Nunaanni meeqqanut inuusuttunullu siunnersuisoqatigiiffik), Tilioq/Inuit innarluutillit illersuisuat, INOOQAT/Kalaallit Nunaanni angajoqqaat ineriaartornermigut akornutilimmik meerallit peqatigiiffiat, Nunatsinni Inuit Innarluutillit Kattuffiat, ISI - Kalaallit Nunaanni tappiitsut isigiarsuttullu peqatigiiffiat, KTK (Kalaallit nunaanni tusilartut kattuffiat), Landsforeningen Autisme, Kalaallit Nunaanni immikkoortortaq, Kattuffik Utoqqaat Nipaat, Angajoqqaqatigiit (Angajoqqaat ADHD-ertunik autisimeqartunillu meerallit peqatigiiffiat, Neriuffik Kattuffiat, KNIPK (Kalaallit Nunaanni Innarluutillit Piginnaanikitsut Kattuffiat), Sugisaq (Tarnikkut eqqarsartaatsikkullu napparsimasut ilaquaasullu peqatigiiffiat), Kalaallit Røde Korsiat, Sulisitsisut, SIK (Sulisartut Kattuffiat), Aarhusimi Kalaallit Illuutaat, Odensimi Kalaallit Illuutaat, Aalborgimi Kalaallit Illuutaat aamma Københavnimi Kalaallit Illuutaat.

Tulliuttut tusarniaassummut akissuteqarsimapput:

Tilioq, Kommuneqarfik Sermersooq, Qeqqata Kommunia, KNIPK, Inuit pisinnaatitaaffiinut Institutti, Siusinaartumik pensionisiaqarnermut Maalaaruteqartarfik, Avannaata Kommunia, Kommune Kujalleq aamma Sulisitsisut.

Tulliuttut oqaaseqaateqanngillat:

Inuit pisinnaatitaaffiinut Institutti, Avannaata Kommunia aamma Sulisitsisut.

Tusarniaanermut akissutit pillugit allakkiami tusarniaanermut akissutit nassuaavagineqarput.

Inatsimmi aalajangersakkanut ataasiakkaanut nassuaatit

§ 1-imut

Nr. 1

"Kapitali 3"-imi qulequtarineqartoq "Qulaajaanermik ingerlatsineq aamma piginnaanngorsaqqiineq"-nngorlugu erseqqissarneqarpoq.

§ 8-mut

Imm. 1-imut

Siusinaartumik pensionisiaqartitsinissaq pillugu kommunalbestyrelsip aalajangiinissa sioqqullugu, qinnuteqartup sulisinnaassutsiminik angusaqaqqissinnaanera pillugu qulaajaanissamik misissuinissamillu kommunalbestyrelse pisussaaffeqartoq aalajangersakkami aalajangersarneqarpoq. Periarfissat tamarmik misissuiffigineqassapput.

Periarfissani attuumassutilinni assersuutaasinnaapput piginnaanngorsaqqinneq, eqaannerusumik suliffeqarnerit allatullu suliniutit piginnaasaqalersitsiffiusut. Siusinaartumik pensionisiaqalernissamik qinnuteqartup sulisinnaassutsiminik ineriartortitsinissaanut ikiorneqarnissaa siunertalarugu sulissuteqarnerit tamakkiisut aallartinneqassapput. Qinnuteqartup imminnut tamakkiisumik ilaannakuusumilluunniit pilersulersinnaanissaanut tunngavissanik pitsaanerpaanik tunineqarnissaa anguniarneqarpoq.

Imm. 2-mut

Siumut sammisumik ingerlariaqqinnissamut qulaajaaneq pingaaruteqarmat, siusinaartumik pensionisiaqalernissamut qinnuteqartut tamarmik qulaajaanermik ingerlatsinissamik pisussaaffeqartut aalajangersakkami aalajangersarneqarpoq. Siunertamut naleqquttutut kommunalbestyrelsip naatsorsuutigippagu, siusinaartumik pensionisiaqalernissamik qinnuteqartup piginnaanngorsaqqinnissamut innersuunneqarnissaa tamatumunnga pissutaavoq.

Qulaajaasoqarnerani kommune sulisinnaassuseq pillugu aallarnersaataasumik nalilersuinermik nalilersuigallarnermillu suliaqassaaq. Siusinaartumik pensionisiallip nukissai piukkunnassusialu misissuiffiginissaat qulaajaanermi siunertaavoq.

Isumalluutit taakku suiffeqarfefarfirmi qanoq atorluarneqarsinnaanersut siusinaartumik pensionisiaqarnissamik qinnuteqartup isumalluutaanik ilisarititsissutip nassuiassavaa. Qinnuteqartup isumalluutaasa immikkut ukkatarinerisigut ukkatarinninneq allanngorsinnaavoq, taamaalilluni qinnuteqartup suliffeqarfefarfirmut naleqqiullugu qanoq killeqartiginera aallaavigineqarunnaassalluni, paarlattuanilli qinnuteqartup qanoq suliffeqarfefarfirmut iseqqinnissaanut periarfissai ilippannartut aallaaviussallutik.

Imm. 3-mut

Aalajangersagaq piginnaatitsissutitut aalajangersagaavoq, tassani qulaajaanernut piginnaanngorsaqeqarnernulluunniit najuutinnginnernut aamma peqataannginnernut kinguneqartitsinissat pillugit Naalakkersuisut erseqqinnerusunik malittarisassiornissaannut periarfissinneqarput.

Aalajangersagaq siusinnerusukkut § 8, imm. 4-mut assinguvoq. Siusinaartumik pensionisiat pillugit Namminersorlutik Oqartussat nalunaarutaanni nr. 15, 30. juni 2016-imeersumi §§ 15 aamma 16-imil malittarisassanik erseqqinnerusunik aalajangersaasoqarpoq.

§ 9-mut

Imm. 1-imut

Sulisinnaassuseq tamanna aqqutigalugu ineriertortinnejarsinnaasoq kommunip naatsorsuutigippagu, qinnuteqartoq piginnaanngorsaqeqarnermik ingerlatsissasoq aalajangersakkap kinguneraa.

Qinnuteqartup kommunimilu oqartussat suleqatigiinnerisigut piginnaanngorsaqeqinnissaq piareersarneqassasoq aalajangersakkami siunertarineqarpoq. Tamanna suliamik sunniuteqarluartumik sukkasuumillu suliarinninnissamik kinguneqassaaq, tassani ingerlatsinissap pitsaanerpaaaffimiinnissaa siunertaralugu qinnuteqartoq tamakkiisumik ingerlatsinissami ilanngutitinnejassalluni.

Qulaajaavagineqarnermit- aamma piginnaanngorsaqeqinnermit ingerlatsineq tunngavigalugu siusinaartumik pensionisiaqalernissamut qinnuteqartup ilinniarnissamut suliffeqalernissamullu naleqqiullugu isumalluutai unammilligassaalu allaaserineqassapput. Uppernarsaasiinissamut piumasaqaat § 14-imil takuneqarsinnaavoq.

Piginnaanngorsaqeqinnerit eqaannerusumillu suliffeqarnerit piginnaanngorsaqeqinnissaq ikorsiisarneq pillugu peqqussut malillugu ingerlanneqassapput.

Piginnaanngorsaqeqinnermut innersuunneqarnissamik aalajangiineq siusinaartumik pensionisiaqalernissamik qinnuteqarnermut tunngatillugu suliamik suliarinninnerup ilagaa. Ingerlatsinermi piviusumik suliaqarnermik tamanna isumaqarpoq, taamaammallu immikkut ittumik maalaarutigineqarsinnaanani.

Imm. 2-mut

Piginnaanngorsaqeqinnikkut sulisinnaassutsip ineriertortinnejarnissaa pillugu misiliinissaq maannakkorpiaq iluaqutaanavianngitsoq qulaajaanerup takutippagu, piginnaanngorsaqeqiineq pinngitsoortinnejarsinnaasoq aalajangersakkami aalajangersarneqarpoq.

Matumani qulaajaanerup nalaani paasinarsippat qinnuteqartoq piginnaanngorsaqeqinnermik ingerlataqarsinnaanngitsoq, kisianni qinnuteqartup atugarisai § 9, imm. 3-mi ilaangitsutut paasineqartut assersuutaasinnaapput.

Qinnuteqartup taamaalinerani piginnaanngorsaqqinnermiq ingerlatsisinnaannginneranut assersuutitut qinnuteqartup atornerluisunera imaluunniit qinnuteqartup sivisuumik suliffeqarfimmiissimannginna pissaasinaapput. Assersuutaasinnaasorlu alla tassaavoq qinnuteqartup sivisuumik napparsimasimanera, taamaattoqarneralu pissutigalugu piffissami tassani piginnaanngorsarnissaa naleqqukkunnaarsimalluni.

Piginnaanngorsaqqinnissap kinguartikkallarnissaa pillugu aalajangiisoqarsimappat kommune ukioq ataaseq qaangiutsinnagu suliamut qinnuteqartumut tunngasumut nalileeqqissaaq, tamatumalu kingorna aalajangeeqqissalluni. Assersuutigalugu qaammatit arfinillit qaangiunnerisigut nutaamik naliliinissaq periarfissaavoq, aamma tamanna pillugu piginnaanngorsaqqinnissamik kinguartitsinerup ukiumik 1-mik sivisussuseqarnissaa pillugu piumasqaateqartoqanngilaq.

Piginnaanngorsaqqinnerup kinguartikkallarnissaa pillugu aalajangiisoqarpat, paassisutissat pigineqartut tunngavigalugit siusinaartumik pensionisiaqartitsinissaq pillugu kommune aalajangiisinnaavoq.

Sulisinnaassuseq massakkuugallartoq ineriertortinneqarsinnaasoq nalileeqqinnikkut nalilerneqarpat, inummut immikkut piareersakkamik piginnaanngorsaqqinnissamut innersuussinissaq pillugu aalajangiisoqassaaq.

Piginnaanngorsaqqinnejarnissap kinguartikkallarnissaanik imaluunniit inummut immikkut piareersakkamik piginnaanngorsaqqinnissamut innersuussinissaq aalajangiineq, suliamik suliarinninnerup ilagaa. Ingerlatsinermi piviusumik suliaqarnermiq tamanna isumaqarpoq, taamaammallu immikkut ittumik maalaarutigineqarsinnaanani.

Imm. 3-mut

Qinnuteqartoq sulisinnaassuseqanngitsoq ersarilluinnarpat aamma qaqguluunniit sulisinnaassuseqaqqilernavianngitsoq naatsorsuutigineqarpat, piginnaanngorsaqqinnissap pinngitsoortinneqarsinnaanera aalajangersakkut erseqqissarneqarpoq.

Ersarilluinnartumik oqarnermi pineqarput inuit ima napparsimatigisut aamma ima piginnaanikillisimatigisut, sulisinnaassusaannik naliliinissaq ineriertotsinissarluunniit isumaqassanani, assersuutigalugu qaratsakkut annertuumik ajoquusersimanikkut, ineriertornermigut akornguteqalersimanikkut imaluunniit inuunerup sinnera siviksillugu.

Innuttaasunut ineriertornikkut akornuteqalersimanerup kingunerisaanik annertuumik tarnimikkut piginnaanikitsunut, inunnut ilungersunartumik qaratsakkut ajoquusersimasunut imaluunniit silaqassutsimikkut annertuumik ajoqtilinnut kiisalu inunnut ilungersunartumik nappaateqartunut, tassani nakorsaatit atorlugit katsorsaasoqarsinnaajunnaarsimassalluni imaluunniit periarfissaanani, aamma nappaatip qanoq pinissaanik missiliuineq malillugu

inuunerup sinnera sivikitsuinnaasussaalluni imaluunniit, nappaat sukkasuumik siaruariartortillugu, sulisinnaassutsip misilinnejarnissaa erseqqissumik siunertaqanngitsutut isigineqassaaq.

Piffissaq ungasinnerusoq isigalugu sulisinnaassutsip apparsimanerata pineqarnissaa pingaaruteqarpoq, matumani tarnikkut piginnaanikillisimaneq imaluunniit ineriartornikkut akornuteqarneq pissutigalugu, imaluunniit atornerluisuuneq assigisaanilluunniit pissutigalugu sulisinnaassuseqanngikkallarneq ilanggullugit.

Nr. 2

Inuk pineqartoq § 9, imm. 3-mi taaneqartunut ilaappat, sulisinnaassutsimik nalilersueqqinnej pinngitsoortinnejqarsinnaasoq aalajangersakkami aalajangersarneqarpoq.

Sulisinhaassutsip ukiut 5-kkaarlugit nalilersoqqinnejqarnissaanut piumasaqaatip avaqqunneqarneqarsinnaanera pineqarpoq.

Inunniq § 9, imm. 3-mi ilaatinnejqartunik piginnaanngorsaqiisoqartanngimmat imaluunniit sulisinnaassusaat pillugu naliliisoqartanngimmat, tassami inuit pineqartut sulisinnaassuseqanngimmata, taava sulisinnaassuseq pillugu nalilersueqqittooqassanngilaq.

Nr. 3

Tapit siusinaartumik pensionisiallip maannakkorpiaq aningaasarsiarisaasa aamma siusinaartumik pensionisiat tunniunnejqartartut annertunerpaat akornanni assigiinngissutaasumut naapertuuttumik tunniunnejqartassasut aalajangersakkami aalajangersarneqarpoq.

Najukkami atugassarititaasut pissutigalugit siusinaartumik pensionisiallimmut siusinaartumik pensionisanik annikinnerpaanik akunnattunilluunniit isertitaqarfiusinnaasumik naleqquttumik suliffissamik pissarsisoqarsinnaatinnagu pisumi taamatut immikkut ittumi aalajangersagaq atorneqassaaq. Assersuutigalugu pisuni siusinaartumik pensionisiallik suliffissamut aalajangersimasumik issuseqartumut piffimmi pineqartumi pissarsiarineqarsinnaanngitsumut innersuunnejqarsimasinnaavoq.

Suliffissamik naleqquttumik innersuussinermi, siusinaartumik pensionisiallip siusinaartumik pensionisiat akuersissutigineqartut saniatigut aningaasarsiaasa naleqquttumik ilaneqarnissaat siunertarineqarpoq. Suliffeqarneq naleqquttoq nuna tamakkerlugu suliffeqarfeqarfimmut sanilliullugu nalilermeqassaaq, taamaammallu suliffissap innersuunnejqartup siusinaartumik pensionisiaqartup najugarisaanit naleqquttumik ungasissutsip iluani nassaarineqarsinnaannginnerra pisinnaavoq.

Tapinik piffissami killeqartumi tunniussinissamut aalajangersagaq periarfissiivoq, immikkorluinnarlu pisoqarsimatillugu taamaallaat atorneqarsinnaasutut isigineqassalluni.

Tapeq ukioq 1 angullugu tunniunneqarsinnaavoq. Taamaaliornikkut tapiliussap qaammatini 3-innarni tunniunneqarsinnaanera periarfissaassaaq. Taamaalilluni tapiliussap ukiut ataasiakkaarlugit tunniunneqartarnissaa pillugu piumasaqartoqanngilaq.

Pineqartumut suliffissamik naleqquttumik misissuissalluni imaluunniit misiliilluni pilersitseriassalluni communalbestyrelse pisussaaffeqartoq aalajangersakkakut aalajangersarneqarpoq. Tapit tunniunneqartarerat piffissami sivisunerusumi tunniuttarnissaat pisariaqartinneqarpat, piffissap tunniussiffiusup naannginnerani tamanna pillugu aalajangiisoqassaaq.

Nr. 4

Tapit akuersissutiginissaannut piumasarineqartut allangussappata, tapit atorunnaarnissaat aalajangersakkami aalajangersarneqarpoq. Sumiiffimmut allamut suliffimmik naammaginartumik isertitaqarfiusinnaasumut imaluunniit suliffinnik nutaanik pilersitsiffiusinnaasumut nuunnerit assersuutaasinnaapput. Tamanna aamma atuuppoq siusinaartumik pensionisialik suliffissamik naammaginartumik innersuussamik itigartitsisimappat.

Nr. 5

§§ 12 aamma 13 malillugit naliliinikkut nalileeqqinnikkullu sulisinnaassutsimut procentip aalajangersaaffiginera pillugu communalbestyrelsimit aalajangiinerit kisimik Siusinaartumik pensionisiaqarnermut maalaaruteqartarfimmut maalaarutigineqarsinnaanerat aalajangersakkatigut aalajangersarneqarpoq. Aalajangiinerit siusinaartumik pensionisiat tunniunneqarnerannut taamaallaat tunngassuteqartut Isumaginninnermi Naammagittaalliuuteqartarfimmut naammagittaalliuutigineqarsinnaapput.

Maalaaruteqarnissamut piffissaliussaq allanngortinneqassaaq, taamaalilluni isumaginninnermut sulianut tunngatillugu Isumaginninnermi Naammagittaalliuuteqartarfimmut naammagittaalliornissamut nalinginnaasumik piffissaliussamut naapertuuttunngussalluni

Nr. 6

Sulisinnaassutsip nalilersuiffigineqarnera pillugu aalajangiineq maalaaruteqarnermut ilaappat, Siusinaartumik pensionisiaqarnermut Maalaaruteqartarfiup siusinaartumik pensionisiaqarneq pillugu maalaarutit aallaaviatigut tamaasa suliarissavai. Siusinaartumik pensionisiat pilligit maalaarutit sulisinnaassutsip naliliiffiginissaanut tunngassuteqanngitsut Isumaginninnermi Naammagittaalliuuteqarfimmit suliarineqartarput.

Maalaarummi sulisinnaassutsip nalilerneqarnera pineqarnersoq pillugu Siusinaartumik pensionisiaqarnermut maalaaruteqartarfik naliliinissaminut piginnaatitaavoq.

Siusinaartumik pensionisiat pillugit maalaarutit pillugit suliani maalaarutit assigiinngitsuutilugit, sulisinnaassutsip naliliiffigineranut tunngassutilit maalaarutigineqartut kisiisa pinnagit suliaq tamakkerlugu suliamik suliarinnissalluni Siusinaartumik pensionisianut maalaaruteqartarfik piginnaatinneqarpoq.

Sulisinnaassutsip naliliiffigineranut tunngasuni siusinaartumik pensionisiat pillugit maalaarutini, soorlu aamma ineqarnermut tapiissutinut imaluunniit utoqqalinersianut tunngasuni, sulisinnaassutsip naliliiffigineranut attuumassuteqarluangitsuni, Siusinaartumik pensionisiaqarnermut maalaaruteqartarfik suliap ilaanut siusinaartumik pensionisiaqarnermut tunngasunut suliaqarnissamut piginnaatinneqassaaq. Maalaarummi sammisat ilaat Isumaginninnermi Naammagittaalliuuteqartarfimmit suliarineqassapput.

Siusinaartumik pensionisiaqarnermut maalaaruteqartarfiup sulisinnaassutsip nalilfersuiffigineqarnerinut tunngasut suliarisassagai aamma suliassaqarfimmut immikkut suliat pillugit ilisimasaqarnissaq piumasaqaataasoq, piginnaaneqarfiiit agguataarneqarneranni eqqarsaataavoq. Siusinaartumik soraarnerussutisialinnut Maalaaruteqartarfiup nammineq aalajangissavaa maalaaruteqartarfiup naammagittaalliuut qanoq suliarisariaqassanerlugu.

Nr. 7

§ 43, imm. 1, oqaaseqatigiit aappaanni aamma § 43, imm. 3-mi § 9, imm. 2-mut innersuussineq § 9, imm. 3-mut allanngortinneqassaaq, allanngortitsineq tamanna § 9, imm. 2-mik nutaamik ilanngussinermik pissuteqarpoq.

§ 2-mut

Imm. 1-imut

Siunnersuutip ullormi 1. januar 2021-imi atuutilernissaa siunnersuutigineqarpoq.